

# Izjava Visokog predstavnika povodom svjetskog dana izbjeglica

Visoki predstavnik, Wolfgang Petritsch, je povodom prvog svjetskog dana izbjeglica proglašenog od strane Ujedinjenih naroda, skrenuo pažnju na kontinuirani znacaj povratka izbjeglica u Bosni i Hercegovini. Uprkos znatnim postignucima na ovom polju, još uvijek se na hiljade ljudi, koji su raseljeni tokom konflikta od 1992-95.god., moraju vratiti u svoje domove. Ovo je pitanje od krajnjeg znacaja. Mir i pomirenje se u Bosni i Hercegovini ne mogu konsolidirati sve dok se bilo kojem građaninu Bosne i Hercegovine uskracuje pravo na povratak u svoju imovinu. Visoki predstavnik je još jednom istaknuo da "ubrzavanje povratka raseljenih lica i izbjeglica, s posebnim naglaskom na tome da se građanima omoguci da ostvare svoja imovinska prava," predstavlja jedan od tri glavna prioriteta koje je postavilo Vijeće za implementaciju mira na svom sastanku odrzanom u maju 2000.god. u Briselu.

Pet godina nakon zavrsetka rata, raseljenost stanovništva se još uvijek odrazava na svaki aspekt života. Iako se gotovo 370.000 raseljenih lica i izbjeglica vratio u svoje domove, mnogi se i dalje suočavaju sa teškocama pri nastojanjima da ponovno uspostave normalni životstave normalni život, dok od 518.000 lica koja su još uvijek raseljena unutar granica BiH, mnoga i dalje ne mogu ući u posjed svoje imovine.

Tokom 2000.god. registrirano je više od 67.000 povratača ljudi koji se vraćaju u svoje domove na područja gdje predstavljaju manjinu što je gotovo dvostruka stopa povratka u odnosu na istu iz 1999.god. U prvom kvartalu ove godine, broj manjinskih povratača se gotovo udvostručio, u poređenju sa istim

periodom protekle godine. U prva tri mjeseca, 22.300 lica se vratilo u svoje predratne domove na područjima gdje sada predstavljaju manjinu, cime se ukupni broj manjinskih povrata popeo na vise od 210.000. U mnogim slučajevima, ovi su se ljudi vratili na područja gdje su pocinjena najveća etnicka ciscenja tokom perioda od 1992-95.godine.

Visoki predstavnik je i dalje zabrinut zbog toga što se stopa implementacije imovinskih zakona ne povecava dovoljno brzo i što se ista znatno razlikuje diljem BiH i nastaviti će sa ulaganjem napora kako bi izbjeglicama osigurao njihovo pravo na povratak. Međutim, da bi ovaj proces efikasno funkcionirao, na cijelom teritoriju BiH mora se uspostaviti odgovornost za ovaj proces, sa svim njegovim zakonskim i politickim obavezama, te u potpunosti očekujemo da novi organi vlasti ispune sve svoje obaveze u ovom pogledu.